



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԵՐԵՎԱՆ ՔԱՂԱՔԻ ԱՌԱՋԻՆ ԱՏՅԱՆԻ
ԸՆԴՀԱՆՈՒՐ ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆԻ**

**Քաղաքացիական գործ
հա. ԵԴ2/30756/02/23**

Ո Ր Ո Շ ՈՒ Մ

**ՀԱՅՏԱԴԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,
ՊԱՏԱՍԽԱՆՈՂԻՑ ԱՊԱՑՈՒՅՑՆԵՐ ՊԱՀԱՆՋԵԼՈՒ ԵՎ
ԳՈՐԾԻ ՔՆՆՈՒԹՅՈՒՆԸ ԴԱՏԱԿԱՆ ՆԻՍՏՈՎ ԻՐԱՎԱՆԱՑՆԵԼՈՒ ՄԱՍԻՆ**

16.10.2023 թվականին ք.Երևանում

ՀՀ Երևան քաղաքի առաջին ատյանի ընդհանուր իրավասության քաղաքացիական դատարանի (այսուհետ նաև՝ Դատարան) դատավոր Արման Օհանյանը ուսումնասիրելով ըստ հայցի <<Ավետիս Խեցի>> սահմանափակ պատասխանատվությամբ ընկերության (այսուհետ նաև՝ Հայցվոր կամ <<Ավետիս Խեցի>> ՍՊԸ) ընդդեմ ՀՀ Լոռու մարզի Տաշիրի համայնքապետարանի (այսուհետ նաև՝ Պատասխանող), երրորդ անձ <<Փայք>> սահմանափակ պատասխանատվությամբ ընկերության (այսուհետ նաև՝ Երրորդ անձ կամ <<Փայք>> ՍՊԸ)՝ գնահատող հանձնաժողովի 22.08.2023 թվականի թիվ 3 արձանագրության 3.1 կետով (<<Ավետիս Խեցի>> ՍՊԸ-ի մասով) և 3.2 կետով (<<Ավետիս Խեցի>> ՍՊԸ-ի մասով) կայացրած որոշումները, նույն արձանագրության 3.3 կետով կայացված որոշումը, գնահատող հանձնաժողովի կողմից 22.08.2023 թվականին <https://gnumner.minfin.am/> կայքում հրապարակված պայմանագիր կնքելու մասին հայտարարությունը անվավեր ճանաչելու և որպես հետևանք 13.09.2023 թվականին ՀՀ Լոռու մարզի Տաշիրի համայնքապետարանի և <<Փայք>> ՍՊԸ-ի միջև կնքված ՀՀ Լոռու մարզի Տաշիրի համայնքապետարանի կարիքների համար Տաշիր համայնքի Ապավեն և Բլազողարնոյե բնակավայրերի գազաֆիկացման աշխատանքների կատարման գնման թիվ ՀՀ ԼՄՏՀ-ՀԲՄԱՇՁԲ-23/105 պայմանագիրը և գնահատող հանձնաժողովի կողմից 14.09.2023 թվականի <https://gnumner.minfin.am/> կայքում հրապարակված կնքված պայմանագրի մասին հայտարարությունն անվավեր ճանաչելու, ՀՀ Լոռու մարզի Տաշիրի համայնքապետարանին գնահատող հանձնաժողովի 10.08.2023 թվականի թիվ 2 արձանագրության 4.1 կետի 2-րդ պարբերության մեջ փոփոխություն կատարելը և <<Ավետիս Խեցի>> ՍՊԸ-ի հայտում արձանագրված անհամապատասխանությունները>> մանրամասն նկարագրելը պարտավորեցնելու պահանջների մասին հայցադիմումը և դրան կից ներկայացված փաստաթղթերը.

Պ Ա Ր Ջ Ե Ց

II

(ՆԿԱՐԱԳՐԱԿԱՆ ՄԱՍ)

19.09.2023 թվականին <<Ավետիս Խեցի>> ՍՊԸ-ի ներկայացուցիչը հայցադիմում է ներկայացրել Դատարան ընդդեմ ՀՀ Լոռու մարզի Տաշիրի համայնքապետարանի, երրորդ անձ <<Փայք>> ՍՊԸ-ի՝ գնահատող հանձնաժողովի 22.08.2023 թվականի թիվ 3 արձանագրության 3.1 կետով (<<Ավետիս Խեցի>> ՍՊԸ-ի մասով) և 3.2 կետով (<<Ավետիս Խեցի>> ՍՊԸ-ի մասով) կայացրած որոշումները, նույն արձանագրության 3.3 կետով կայացված որոշումը, գնահատող



հանձնաժողովի կողմից 22.08.2023 թվականին <https://gnumner.minfin.am/> կայքում հրապարակված պայմանագիր կնքելու մասին հայտարարությունը անվավեր ճանաչելու և որպես հետևանք 13.09.2023 թվականին ՀՀ Լոռու մարզի Տաշիրի համայնքապետարանի և «Փայլք» ՍՊԸ-ի միջև կնքված ՀՀ Լոռու մարզի Տաշիրի համայնքապետարանի կարիքների համար Տաշիր համայնքի Ապավեն և Բլագոդարնոյե բնակավայրերի գազաֆիկացման աշխատանքների կատարման գնման թիվ ՀՀ ԼՄՏՀ-ՀԲՄԱՇՁԲ-23/105 պայմանագիրը և գնահատող հանձնաժողովի կողմից 14.09.2023 թվականի <https://gnumner.minfin.am/> կայքում հրապարակված կնքված պայմանագրի մասին հայտարարությունն անվավեր ճանաչելու, ՀՀ Լոռու մարզի Տաշիրի համայնքապետարանին գնահատող հանձնաժողովի 10.08.2023 թվականի թիվ 2 արձանագրության 4.1 կետի 2-րդ պարբերության մեջ փոփոխություն կատարելը և «Ավետիս Խեցի» ՍՊԸ-ի հայտում արձանագրված անհամապատասխանությունները» մանրամասն նկարագրելը պարտավորեցնելու պահանջների մասին:

02.10.2023 թվականի Դատարանի դատավոր Ժ.Ասատրյանի որոշմամբ հայցադիմումը վերադարձվել է:

10.10.2023 թվականին Հայցվորի ներկայացուցիչը հայցադիմումը կրկին ներկայացրել է Դատարան:

11.10.2023 թվականին հայցադիմումը՝ կից փաստաթղթերով, հանձնվել է Դատարանի դատավոր Ա.Օհանյանին:

III

(ՊԱՏՃԱՌԱԲԱՆԱԿԱՆ ՄԱՍ)

Դատարանն արձանագրում է, որ հայցադիմումը ներկայացված է ՀՀ քաղաքացիական դատավարության օրենսգրքի 121 և 122 հոդվածների պահանջներին համապատասխան և բացակայում են նույն օրենսգրքի 126 և 127 հոդվածներով սահմանված հայցադիմումի ընդունումը մերժելու կամ վերադարձնելու հիմքերը:

Դատարանն արձանագրում է, որ սույն վեճը քննության է ենթակա ՀՀ քաղաքացիական դատավարության օրենսգրքի 27.2 գլխով սահմանված հատուկ հայցային վարույթի կարգով, որպիսի պարագայում՝ հիմք ընդունելով ՀՀ քաղաքացիական դատավարության օրենսգրքի 234.6-րդ հոդվածը, անհրաժեշտ է Պատասխանողից պահանջել գնման գործընթացի հետ կապված պատասխանողի տիրապետման տակ գտնվող բոլոր ապացույցները:

«ՀՀ քաղաքացիական դատավարության օրենսգրքի 234.9-րդ հոդվածի համաձայն՝ դատարանը սույն գլխով նախատեսված վեճերով գործերը քննում և դրանց վերաբերյալ վճիռները և որոշումները կայացնում է գրավոր ընթացակարգով, բացառությամբ այն դեպքերի, երբ դատարանը գործին մասնակցող անձի միջնորդությամբ կամ իր նախաձեռնությամբ եկել է եզրահանգման, որ անհրաժեշտ է գործը քննել դատական նիստում:

Նույն հոդվածի 4-րդ մասի համաձայն՝ գործը դատական նիստում քննելու հարցը կարող է լուծվել նաև հայցադիմումը վարույթ ընդունելու մասին որոշմամբ:

Դատարանն արձանագրում է, որ ելնելով ներկայացված վեճի և հայցապահանջի բովանդակությունից, առկա է կողմերի հետ գործի լուծման համար էական նշանակություն ունեցող փաստերի քննության անհրաժեշտություն, որպիսի պարագայում առկա է առնվազն մեկ դատական նիստ անցկացնելու անհրաժեշտություն:

IV

(ԵԶՐԱՓՈՎԻՉ ՄԱՍ)

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124, 125, 234.5 և 234.6, 234.9, 199-200 հոդվածներով՝



